

B.5.2. 天然資源

- 我哋要學嘅“天然資源”只係得一種，就係“土地”。
 - “土地”係指所有有生產力嘅天然資源。
 - ◆ 留意有 D 天然資源係冇生產力嘅（即係冇用）。
 - ◆ 而經濟學入面嘅“土地”就唔係單單指“一幅幅地”咁簡單。
 - “土地”包括
 - ◆ 天然土地
 - ◆ 埋喺地底下嘅礦物、原油（簡單即係石油）、煤礦等
 - ◆ 天然樹木
 - ◆ 海洋中嘅海產（魚、蝦等等）
 - ◆ 陽光
 - ◆ 河流
 - ◆

- 有關“土地”較為特別嘅一個特質係“土地供應大致係固定嘅”。
 - 土地供應係唔會因為市場價格而改變嘅。
 - ◆ 例如你唔可以俾多 D 錢嚟使有更多嘅陽光供應。
 - ◆ 你可能會話“咁可以出多 D 錢、咁咪可以用多人去開礦、捕魚，咁礦物、魚嘅供應咪可以多 D 囉”。
 - 咁諗係錯嘅。我哋只可以出多 D 錢嚟取得更多嘅天然資源。但“供應”係指“有幾多可以俾我哋攞、俾我哋買”。我哋出錢嚟唔可以令自然界入面嘅資源突然多咗嘅。
 - 記住：“土地”係指所有有生產力嘅天然資源。
 - 土地嘅供應可以隨時間而改變。
 - ◆ 例如政府訂立“休漁期”就係要令到漁民唔可以去捕魚、咁樣海洋入面嘅海產數量先可以增加返。

- 其次要留意嘅係：因為土地本身係天然嘅，所以土地嘅生產過程係唔需要人為嘅投入。所以土地係冇生產成本嘅。
 - 但當我哋想要獲得土地、將土地變成廠商嘅資本嘅時候，廠商就要投入資源（例如人力、金錢等）。
 - ◆ 例如海入面嘅魚係冇生產成本嘅（你唔喺俾錢、時間、人力等，海入面都會有魚），但“漁夫所捕得嘅魚”就有生產成本。而漁夫所捕得嘅魚就變成漁民嘅資本，佢哋可以攞 D 魚去賣。
 - 而當土地變成資本後，到底土地點樣用亦會涉及有機會成本。